

S. VIII. 33.

26
FLORES SUPER TUMULUM

VIRI

*Honoratissimi, Solertissimi, Integerrimi, plurimorum
rerum usu praestantissimi,*

DN. FRIDERICI
ZILMERI

b. m. Civis & Mercatoris quon-
dam Reip. Sterinens. Primarij:

QUI

Natus anno 1576, 26. October, denatus anno 1634.

3. Februarij inter 5. & 6. pomeridianam, 10. ejus-


dem Mensis pijs & consuetis Christianorum

Ceremonijs, in Aede Jacobaeo tumu-


labitur

A Studiosâ illustris ibidem Lycéi
juventute sparsi.

STETINI, Literis GEORGII GOETSCHIL



Si
N
U
Li
In
C
G
D



Siccine, transpontum Boreæ damna-
ta sub axe

Visere qui poteras arva, relinquis
humum?

Siccine, qui poteras pharetratos sepè Gelonos
Visere, jam mortis falce necatus abis?

Nonnè placet vitam longos agitare per annos,
Vir pietatis amans, dexteritate gravis?

Ulsq; adeò multis arx & spes rebus in arctis
Infelice feri sidere Martis eras.

Linquendā ducis, quā nil nisi moeror acerbus,
Anxietas animi, cumq; labore dolor.

Inde, quod est meli9 longè, magis eligis, optas,
Et tibi nunc aptas, cœlica regna petens.

O exantlatis curis, multisq; peractis
Annis, ter felix cum Simeone migras!

Gaudia nūc captas nunquā moritura perennis
Vitæ cum Sanctis omnibus, arce poli.

Da qVēso, In terrIs sã Ctè Vt VIVaMVs, Iēs V:
Vt qVãDoqVe Mori VIta CVIqVe slet,

In contestationem serie συμπαθείας apponebat

Georgius Thomæ Perleb. M.

A 2

MORS

*Linquendam ducis, quā nil
nisi bella, tumultus,
impietas flerent, sens
inimica fuerit.*

MORS ITER EST AD VITAM LÆTAM.

MORS ITER EST Nobis AD LÆTÆ gaudia VI-
TÆ.

O mnes quod quog. confirmant pietatis alumni.
R ebus enim fractis optant sentiscere mortis
S picla, nec ullus amat Titbonia vivere secla.
I d quod præ reliquis etiam pius Accola noster
T estatur, quando ex impuro carcere Mundi
E gressus patrium properavit visere limen.
R ara quidem est avis antiqua virtutis alumnus
E xtremò hoc Mundi senio, quò crimina cuncta
S tant in precipiti, sceleratq. vivitur ætas;
T uta fides nusquam, sed abundè fraudis ubiq.
A t fuit beu! Nostro Friderico nomen & omen,
D um fructus fecit dignos se, & nomine Christi,
V irtutes & justitiam est sectatus, amara &
Iurgia detestans, commissa tedia culpe
T raxit mente suâ, celuitq. fidemq. piumq.
A Christo iccirco felici in pace solutus
M agna capit dudum sperati gaudia cœli;
L ætiscoq. Dei celebrat pia nomina cantu,
Æthereis cœlestium animis acceptus in ævum.
T u funesta domus deplores corporis umbram,
Agnoscasq. Dei supremi mira statuta, [TÆ.
MORS quòd ITER LÆTÆ sit ad aurea secula VI-

Itaque quod sic ergo scribebat ουνογενής

Balthasar Mathesius Lausig. - Mis.

Heu dolor! Heu lacrymæ! Mors demetit
omnia falce
Parcere nec cuiquā ferrea Parca potest.
Sive sit obscuro, vel claro sanguine cretus
Sive *Senex*, *Juvenis*, *Mors rapit omne genus.*
Corpore namq; sumus firmo, mox lumina
nostra

Heu dolor! heu fatum! contumulantur
humō.

Scilicet incerti vitæ, mutamur in umbras,
Et Mortis feritas nos cita falce necat.
Exemplo nobis confossus acumine Lethi
Fridricus Zilmer, vir pietate pius,
Pacis amans, multis rebus fiducia, priscæ
Cultor honestatis, justitiæq; fuit.
Qui licet annosus fuerat, multoq; labore
Complêrat vitæ quæ data fata suæ.
Attamen haud paucis est mors lacrymabilis,
atq;

Visa nimis celeri deproperare gradu.
Sic habet, omne bonum *Libitinæ* tempora
carpunt,

Quod natum, leges, ut moriatur, habet

A 3

Tu

Tu ramen in vitâ nunc es meliore superstes
In te mors potuit juris habere nihil.
Desino plura loqui: Salve venerabile corpus,
Dum mundi triplex flamma resolvet opus.
Sit tibi terra levis, tua molliter ossa quiescant
Sitq; tuo Cineri paxq; soporq; , vale.

In justa cunctabundâ cunctior deprop.

LAURENTIUS ANGELLIUS
Cöslino-Pom.

VIta mari similis; curarum fluctuat aestu,
Omne quod est, tellus Dadala quicquid habet:
Navita homo tumidis ævi jactatur in undis;
Illius Fatum ventus & unda vebit.
Hic brevibus perit absorptus, quem flore juventa
In medio demit cymba Charontis humo.
Alter & immiti & spaciôsâ tunditur undâ,
Nec portum votis invenit ille suis.
Tertius illidit, faustâ dum navigat aurâ,
Securumq; nigra mittit arena neci.
Prò mare vita malum! nonne es Zilmere beatus,
Quod tutâ figis jam statione ratem?

GEDEON STROTZKY

Colbergâ Pom:

A rerum

A Rerum DOMINO nequaquam pallida
curvâ
Corpora falce metens pariter Juvenūq;
Senūq; ,

MORS introducta est, ut supplicij sit acerbi
Causa: Sed ut sit curarum Finis Requiesq; :
Et Nos â curis solvat turbisq; molestis.
Propterea, Finem quia curis adjicit, Illam
Optemus cupidè toto de pectore CUNCTI.
Sed quia cœpisti duros finire Labores
Lethô ZILLEMERE, gravem de pectore vocē
Turbatô DOMUS emittet, gemitusq; stupēdos,
Viciniq; simul miseris ploratus ædes
Implebunt: Sed Tu placidè quia ad Ætheris
Aulam

Ductus, non opus est miseras iterare querelas.
Este ergò MEMORES, cur Vos vivatis in Orbe:
Omnes ut sanctam ducatis, credite, Vitam.

Apponebat

Heinricus Bussenius Lüchoviensis
Lunæburgicus Saxo.

S Iracides quo non vixit prudentior alter,
Codice descripsit talia verba suo:

Una

*Una manet cunctis obeunda semita mortis,
Seu veniat tardo seu celeri illa gradu,
Nox manet una omnes & inevitabile fatum,
Qua fas est nulli transiluisse viro.
Hanc quoq; chare viam SENIOR tu mortis adisti,
Claudens in patrio lumina fessa solo.
Hoc tamen est melius, quam si te barbara tellus
Ignotum vili supposuisset humo.
Hic PROLES manibus morientis prestat ocellos,
Inq; tuo cineres ultima dona tulit.
Hic te Cognati: sed non plorasset Iberus.
Hic tibi parta fuit: non ibi certa domus.
Hic tumulto properant superaddere Carmina amici,
Et signare brevi talia verba sono.
Ossa quiesca SENIS placidâ requiescite in Urnâ
Extremoq; die surgite prompta solo.*

Condolentix ergò. Apposuit

Christophorus Barthesius

Colbergâ Pom.

EN iterum SENIOR magni tibi causa do-
loris,
Nobile Sedinum, morte peremptus obit.
Multorum mores hominū qvi vidit & Urbes,
Camposq; Eoos, Hesperiasq; plagas.

En

En iterum cecidit *Columenq; decusq; Virorum.*

Plangito Sedinum, Civica plange Cohors.
Plange, tuumq; simul casum miserare futurū;

Nam tenet immotam Pagina sacra Fidem.

Cū moritur JUSTUS, DEUS hunc venientis

ab Iræ

Abscondit facie, quæ nocitura venit.

ROCHLITIUS cum LABESIO nuperrima mortis

Sunt tela experti, ZILMERIUS sequitur.

ZILMERIUS sequitur, PIETATE ANTIQVUS &

ÆVO,

QVO NON IN VITA JUSTIOR ALTER ERAT.

Iratumné tibi sentis URBS INCLUTA Numenq;

Cū rapiat TANTOS mors inopina VIROS.

Ergò DEUM supplex noctesq; diesq; precare,

Ut ferat auxilium largus ab axe tibi.

Συμπύριον app.

ERNEST. HOGENHOLT. U. P.

Fertur in his terris heu! heu! per tela, per ignes
Mortalis, donec fertur in Elysium.

Dicite Christicola dictu miserabile: quem non

Hic vicibus duris SORS inimica premit?

B

Infans

*Infans in partu mala sentit nubilâ Sortis :
Et Juvenem gravibus SORS premit atra malis :
Grandeus Senior dicit : Mala multa fatigant
Membra. & si jubeat claudere morte diem !
Aspice Zilmerium nunc Mortis falce resectum,
Hic nimis afflictus semper & ager erat:
Hic mores hominum multorum vidit, & urbes,
Multa tulit, fecit, sensit ubiq; mala :
Perq; dies multos noctesq; simillimus umbra.
Ancipiti jacuit conditione necis.
Hic hausit sanè plenum cratera malorum,
Atq; tulit Christo triste ^{indigna} crucis.
En nunc post varios casus, diraq; procellas
Fortune, subijt regna beata poli:
Parcite nunc lacrymis : Per tot discrimina rerum
Tendit in Elysia regna beata plage.
Perpes ubi requies est, ac æterna voluptas,
Perpetuus splendor, gaudia, risus, amor:
Nullum ubi morborum genus est, ubi nulla fatigat
Cura animos. Mœsti sistite lacrymulas.*

Condolentie testanda ergo

mœstus app:

SEBASTIANVS RHEVVENDVS:

Zechl: March:


Affo

Affinem Affini ceu congaudere decebit
In rebus lætis, sic & junxisse dolores
Condecet Affines in rebus tristibus, Ergo
Jam tibi condoleo Affinis, cum funera chari
Prosequeris patris lachrimarum flumine fusô.
Quod tamen obstruxisse velis solamine, Fati
Quod vis abstulerit morbis urgentibus illum,
Trāstuleritq; illuc, ubi morbi tormina cessant,
Nimirum ad superi stellata palatia Regis.

*Condolentia & consolationis ergo lugens
fundebat*

Gottfridus V. Verdermannus.







921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

